

يا قمر هاشم حسافة اتروح واقبالي جنت
لو جفيت اختك عفتها محيره و عنها رحت
مو أنا الحورة الوديعه الـ بيها انت اتكفلت
ليش خليت الأمانة وعالنهر ظامي نمت

وآني بدموعي اعتبت ضاعت آمالي وضعت -
انوح ومن يسليني
لا تقول امقطعة ازنودي وهشم راسي العمد
وبالسهم ممرودة عيني ودمي اعليها جمد
واعلى راس الرمح راسي وبالثرى مرمي الجسد
هذي سكنة اقبالي عطشانة وتناشد عالوعد
وينه وعما والضمد وينه وفاي العهد
يجيب الماي و يسقيني

رد الجواب المودر من المنحر
ظنج خاب ما اقدر إلك احضر
دمعج والله ما ذيني يزيب لا تتانيني
وعلى راسي يزيب والله العتاب
وان ردت تشوفيني على الغبرة تلاقيني
يعيني اموزعة اوصالي بالتراب

نار حشاي والآنفاس
ظل وياي يكل الناس
ابجي الـ حالك وحالي
امر ايمصرعك وقلبي هماي
أنا بقيت لا والي
رويتك من دمع عيني يسقاي

انت امرادي ما همي ابد ماي
وسف يا خويه تتركني وبتاماي
انشطر شطرين دلالي
وانت امقطع اقبالي

لو يردك طول نوحى
ما ابطل من ونيني
مدمعي الهامل
و جذب وناتي
وسيل دمعاتي
لك يبو فاضل

أبد عمري يكون حزني ونار زفراتي
حائرة ابفقدك يعقلي وبيك حسراتي
والقلب ذاهل لك يبو فاضل

تأليف الشاعر

أحمد عبدالهادي السعيد
رفاعة السعيد / شيب

2007

قلبي من بعدك تفيد الدمعة لو ينفع صبر
غابت اظلالك يخويه وقلبي غص امن الجمر
آنا بنت الوالي حيدر وأصبح الوالي زجر
علاهزيلة امقيدة بالاغلال *من بعد القدر*
وما تغيب امن الفكر محنة ايام اليسر
وأنا ابفراقك مهضومة

ما نمت ما غمضت عيني ولا قلبي برد
ما سكن روعي يخويه ولا نشف دمعي أبرد
جنت وياكم عزيزة وراح ذخري والسند
أرد أسالك يا جرح ما مر على اقليبي بعد
كم قمر لي انفق وما يظل يمي أحد
واعوفك وانت بالحومة

بالا كباد محتوفة
بالاقياد مكتوفة وللكوفة خذونا وقلبي يتقلب بالاجوع
والسجاد بونينه التهاب بينا نار الحسرة والدمعة والوداع
ولما الشام طيبنا تألمنا وتأذينا
عزي وصوني بدروب اليسر ضاع
وبين الخدر جا وينه منهو الـ يلفظ علينا
يخويه ظلت سكينه بلاقناع

ابهذا الحال ياغالي اندهش بالي بقيت امحيرة بنسوان واطفال
ودمعي الـ سال من نوحى خنق روعي وانا ابهاالغربة ريته العمر لا طال
امسح دمعة ايتامي وانشدك والقلب ظامي
رجيتك وأدري امقطع الاوصال
يحسين الجفن دامي ذابت روعي بالامي
و هالاهاوال ما جانت على البال

عنك ابضعن اليتاما قوض الحادي
وتتخي يا نور الامامة تندب اتنادي
آه يضي الاكوان جارت العدوان

سرت وحجاب المنية بينك وبينني
وعفتك ابحر الوطنية يا نظر عيني
وريت موتي حان يا قمر عدنان

٧
١١١١
٢٣٥٢

اذكر الـ زينب مواقف فطرت قلب الحجر
وانحب الـ جمرة حزنها الذوبت عين الدهر
ألم ما يحمل مثيله ابعالم الدنيا بشر
كل جرح من كربلا بحشاها لاهوب استعر

حملت الهم والكدر والهضائم والقهر
ودمايات الجرح سالت

أنا من اسمع باسمها جن اشوفن كربلا
يوم هجمت عالصياوين العدا وعالعايلة
صارت اتدور يتاماها وتردها امن الفلا
المن الشكوى العشيرة اعلى الوطية امجدلة

بالياما ذاهلة والقلب نار اصطلى

تدير العين و بالصيوان نظى النيران افزعت مذعورة هالنسوة والايتام
وينه حسين وعلي الكرار يشوف النار تشب امن الحقد جمر ابهاالخيام

يزينب قومي للحومة اهرعت الاطفال مالومة
ترديها قبل ما اتدوسها الخيل

اخوج امطول النومه انذبح وانصاره وقومه
يزينب بالعجل لا يخيم الليل